

四庫全書

史部

欽定四庫全書

元史卷八十三

明朝林學士亞中大夫知制誥兼修國史宋濂等修

選舉志第三十三

選舉三

銓法中

至元四年詔諸官品正從分等職官用廕各止一名  
諸廕官不以居官去任致仕身故其承廕之人年及二

十五以上者聽 諸用蔭者以嫡長子若嫡長子有廢疾立嫡長子之子孫曾玄同如無立嫡長子同母弟曾玄同如無立繼室所生如無立次室所生如無立婢子如絕嗣者傍廕其親兄弟各及子孫如無傍廕伯叔及其子孫 諸用蔭者孫降子曾孫降孫婢生子及傍廕者皆於合叙品從降一等 諸廕子入品職循其資考流轉陞遷庶慎幹濟者依格超陞特恩擢用者不拘此例其有不務廉慎違犯禮法者依格降罰重者除名

諸自九品依例遷至正三品止於本等流轉二品以上  
選自特旨 諸職官廕子之後若有餘子不得於諸官  
府自求職事諸官府亦不許任用 五年詔諸廕官各  
具父祖歷仕緣由去任身故歲月并所受宣月劄付彩  
畫宗支指實該承廕人姓名年甲本處官司體勘房親  
揭照籍冊別無詐冒及無廢疾過犯等事上司審驗相  
同保結申覆令親齋文解赴部 諸廕叙人員除蒙古  
及已當圖爾哈人數別行定奪外三品以下七品以上

年二十五之上者當僦使一年并不支俸滿日三品至五品子孫量材叙用外六品七品子准上銓注監當差使已後通驗各界增虧定奪 十六年部擬管匠官止於管匠官內遷用其身故匠官之子若依管民官品級承廕緣匠官至正九品以下止有院長同院務例不入流品似難一例僦用比附承廕例量擬正從五品子於九品匠官內叙六品七品子於院長內叙 凡僦直曾當怯薛身役已經歷仕及止有一子五十以上者並免

二十七年詔凡軍民官陣亡軍官襲父職民官陣亡者其子比父職降二等叙其孫若弟復降一等 大德四年省議諸職官子孫廕叙正一品子正五品叙從一品子從五品叙正二品子正六品叙從二品子從六品叙正三品子正七品叙從三品子從七品叙正四品子正八品叙從四品子從八品叙正五品子正九品叙從五品子從九品叙正六品子流官於巡檢內用雜職於省創錢穀官內用從六品子近上錢穀官正七品子酌

中錢穀官從七品子近下錢穀官 諸色目人比漢人  
優一等廕叙達魯噶齊子孫與民官子孫一體廕叙傍  
廕照例降叙 至大四年詔諸職官子孫承廕須試一  
經一史能通大義者免保使不通者發還習學蒙古色  
目願試者聽仍量進一階 延祐六年部呈福建兩廣  
海北海南左右兩江雲南四川甘肅等處廕叙之人如  
父祖始仕本處止以本地方叙用據腹裏江南歷仕陞  
等遷往者其子孫弟姪承廕又注遠方誠可憐憫今將

承廕人等量擬叙用福建兩廣八番官員擬江南廕叙  
海北海南左右兩江官員擬接連廕叙雲南官員擬廣  
川廕叙四川甘肅官員擬陝西廕叙

凡遷調閩廣川蜀雲南官員每三歲遣使與行省銓注  
而以監察御史往蒞之至元十九年省議江淮州郡遠  
近險易不同似難一體今量分為四等若腹裏常調官  
員遷入兩廣福建溪洞州郡者於本等資歷上例陞二  
等其餘州郡例降一等福建兩廣官員五品以上照勘



員闕移咨都省銓注六品以下就便委用開具咨省  
二十年部議遷叙江淮官員擬定應得資品若於接連  
福建兩廣溪洞州郡任用陞一等 甘肅中興行省所  
轄係西夏邊地除本處籍貫見任官外腹裏遷去甘肅  
者擬陞二等中興府擬陞一等 二十三年詔管民官  
腹裏遷去四川陞一等接連溪洞陞二等四川見任官  
遷往接連溪洞陞一等若遷去溪洞諸蠻夷別議定奪  
達嚕噶齊就彼處無軍蒙古軍官內選擬不為常例

二十二年江淮官員遷於龍南安遠縣地分者擬陞三等仍以三十月為滿陞轉 二十八年詔腹裏官員遷去雲南近裏城邑擬陞二等若極邊重地更陞一等行省咨保人員比依定奪其蒙古土人及招附百姓有功之人不拘比例 省臣奏准福建兩廣官員多闕都省差人與彼處行省行臺官一同以本土周迴相應人員委用 部議雲南六品以下任滿官員依御史臺所擬選資品相應人擬定名關具歷仕脚色咨省奏准勅牒

到日許令之任若有急關依上選取權令之任歷過月  
日依上准理 二十九年詔福建兩廣官員歷兩任滿  
者選於接連去處一任滿日歷江南一任許入腹裏通  
行遷轉願於兩廣福建者聽依例陞等 至治元年省  
臣奏江浙江西湖廣四川雲南五處行省所轄邊遠地  
分官員三年一次差人與行省行臺官一同遷調 泰  
定四年部議諸職官子孫承廕已有元定廕叙地方通  
例別難議擬如願於廣海廕叙者聽其所請依例陞等

遷叙其已咨到都省應合本省地分廕叙而未受除者  
依例咨行省令差去遷調官就便銓注 廣海關官於  
任滿得代有由應得路府州縣儒學教授學正山長內  
願充者借注正九品以下各闕任迴止理本等月日  
廣海應設巡檢於本省應得常選上等錢穀官選擬權  
設理本等月日行省自用并不應之人不許委用如受  
敕巡檢到彼即聽交代

凡遷調循行各省所轉路府州縣諸司應合選調官員

先儘急闕次及滿任急闕須憑各官在任解由依驗月  
日應得資品及解由到行省月日依次就便遷調若有  
急闕委無相應之人或員闕不能相就者於應叙職官  
內選用驗合得資品上雖有超越不過一等 本管地

面若有遐荒煙瘴險惡重地除土官外依例公選銓注  
其有超用人員多者不過二等 軍官匠官醫官站官

各投下人等例不准入流品者雖資品相應不許銓注  
都省已除人員例應到任若有違限一年者聽別行

補注 應有合就彼遷叙人員如在前給由已咨都省  
聽除未經遷注照會不曾咨到本省者即聽就便開咨  
無解由人不許銓注 諸犯職經斷應叙人員照例  
銓注 諸令譯史奏差人員須驗實歷月日已滿方許  
銓注 邊遠重難去處如委不可闕官從差去官與本  
省官公同選注能幹人員開具歷仕元由并所注職名  
咨都省候回准明文方許之任 應遷調官員三品  
四品擬定咨呈五品以下先行照會之任

凡文武散官多采用金制建官之初散官例降職事二  
等至元二十年始陞官職對品九品無散官謂之平頭  
敕蒙古色目初授散官或降職事再授職雖不降必俟  
官資合轉然後陞職漢人初授官不及職再授則降職  
授官惟封贈廕叙官職各從一高必歷官至二品則官  
必從職不復用理算法矣至治初稍改之尋復其舊此  
外月日不及者惟歷繁劇得優獲功賞則優由內地入  
邊遠則優憲臺舉廉能政蹟則優以選出使絕域則優

然亦各有其格也

凡保舉職官大德二年制各廉訪使所按治城邑內有  
廉慎幹濟者歲舉二人九年詔臺院部五品以上官各  
舉廉能識治體者三人行省臺宣慰司廉訪司各舉五  
人 凡翰林院國子學官大德七年議文翰司儒難同  
常調翰林院宜選通經史能文詞者國子學宜選年高  
德劬能文辭者須求資格相應之人不得預保布衣之  
士若果才德素著必合不次超擢者別行具聞



凡遷官之法從七以下屬吏部正七以下屬中書三品以上非有司所與奪由中書取進止自六品至九品為敕受則中書牒署之自一品至五品為宣授則以制命之三品以下用金寶二品以上用玉寶有特旨者則有告詞其理算論月日遷轉憑散官內任以三十月為滿外任以三歲為滿錢穀典守以二歲為滿而理考通以三十月為則內任官率一考陞一等十五月進一階京官率一考視外任減一資外任官或一考進一階或兩

考陞一等或三考陞三等四品則內外考通理此秋毫不可越然前任少則後任足之或前任多則後任累之一考者及二十七月兩考者及五十七月三考者及八十一月以上遇陞則借陞而補以後任此又其權衡也凡選用不拘常格省參議都司郎中員外高第者拜參預政事六曹尚書侍郎及臺幕官監察御史出為司憲官外補官以制授入朝或用敕除朝蹟秩視六品外任或為長伯在朝諸院由判官至使寺監由丞至卿館閣

由屬官至學士有遞陞之法用人重於用法如此又單官或准實授或普減資陞等或內陞等或外減資或外減內不減斯則恩數之不常有者惟四品以下者有三品則遞進一階至正議大夫而止若夫勲臣世胄侍中貴人上命超遷則不可以選格論亦有傳敕中書送部覆奏或致繳奏者斯則歷代以來封駁之良法也凡吏部月選至元十九年議到部解由即行照勘合得七品者呈省從七以下本部注擬其餘流外人員不拘

多寡並以一月一次銓注

凡官吏遷叙至元十年議舊以三十月遷轉太速以六十月遷轉太遲二十八年定隨朝以三十月為滿在外以三周歲為滿錢穀官以得代為滿吏部以九十日日出職職官轉補與職官同

凡覃官至大二年詔內官四品以下普覃散官一等服色班次封廕皆憑散官三品者遞進一階至正三品上階而止其應入流品者有出身吏員譯史等考滿加散

官一等 三年蒙古儒學教授一體普覃 四年詔在

任官員普覃散官一等 泰定元年詔內外流官已帶

覃官准理實授所有軍官及其餘未覃人員四品已下

並覃散官一等三品遞進一階至三品上階止服色班

次封廕悉從一高其有出身應入流品人等如在恩例

之前入役支俸者考滿亦依上例覃授 二年省議應

覃人員依例先理月日後准實授其正五品回任已歷

一百三十五月者九十月該陞從四餘有四十五月既

循行舊例覃官三品擬合正理實授月日未及者照驗  
散官止於四品內選用所有月日任回四品內通行理  
算

凡減資陞等大德元年詔外任流官陞轉甚遲但歷在  
外兩任五品已下並減一資部議外任五品以下職官  
若歷過隨朝及在京倉庫官鹽鐵等職曾經陞等減資  
外已後至大德九年格前歷及在外兩任或一任六十  
月之上者並與優減未及者不拘此格 至治二年太

常禮儀院臣奏皇帝親祭太廟恩澤未加詔四品已下諸職官不分內外普減一資有出身應入流品者考滿任回依上優減 天歷元年詔以兵興內外官吏供給繁勞在京者陞一等至三品止在外者減一資

凡注官守闕至元八年議已除官員無問月日遠近許准守闕外未奏未注者許注六月滿闕六月以上不得預注 二十二年詔員多闕少守闕一年年月滿者照闕注授餘無闕者令候一年 大德元年以員多闕少

宜注二年

凡注官避籍至元五年議各路地理濶遠若更避路恐員闕有所礙止宜斟酌避籍銓選

凡除官照會至元十年議授除名官若有守闕人員當前官任滿預期一月檢舉照會錢穀官候見界官任滿至日行下合屬照會二十四年議受除官員省劄到部照勘急闕任滿者比之滿期預先一月照會

凡赴任程限大德八年定赴任官在家裝束假限二千



里內三十日三千里內四十日遠不過四十日馬日行  
七十里車日行四十里乘驛者日兩驛百人以上止一  
驛舟行上水日八十里下水百二十里職當急赴者不  
拘此例違限百里外依例作闕

凡赴任公參至元二年定散府州縣赴任官法上司百  
里之內者公參百里之外者申到任月日上司官不得  
非理勾擾失誤公事

凡官員給假中統三年省議職官在任病假及緣親病

假滿百日所在官司勘當申部作闕仍就任所給據期  
年後給由求叙自願休閒者聽 至元八年所准在任  
因病求醫并告假侍親者擬自離職住俸日為始限一  
十二月後聽仕其之任官果因病患事故不能赴任自  
受除日為始限一十二月後聽仕 部擬凡外任官日  
久不行赴任除行程并裝束假限外違者計日斷罪  
二十七年議祖父母父母喪亡并遷葬者許給假限其  
限內俸鈔擬合支給違例不到停俸定罪 二十八年

部議官吏遠離鄉土不幸患病難議截日住俸果有患病官吏百日内給俸百日外停俸作闕 大德元年議雲南官員如遇祖父母父母喪葬其家在中原者並聽解任奔赴 二年詔凡值喪除蒙古色目人員各從本俗外管軍官并朝廷職不可曠者不拘此例 五年樞密院臣議軍官宜限以六月越限日以他人代之期年後授以他職 七年議已除官員若有病故及因事不能赴任者即牒所在官司否則親隣主首呈報上司別

行銓注 八年吏部言赴任官即將署事月日飛申以憑操附有犯贓事故並仰申聞 天歷二年詔官吏丁憂各以本族蒙古色目做效漢人者不用部議蒙古色目人願丁父母憂者聽

凡官員便養至大三年詔遷選官員父母衰老氣力單寒者得就近遷除尤為便益果有親年七十以上別無以次侍丁合從元籍官司保勘明白斟酌定奪

凡遠年求叙元貞元年部擬自至元二十八年三月為

限於本處官司明具實跡保勘申覆上司遷叙 大德  
七年議求叙人員具由陳告州縣體覆相同明白定奪  
依例叙用

銓法下

凡省部令史譯史通事等至元六年省議舊例一百二  
十月出職今案牘繁冗難同舊日會量作九十月為滿  
其通事譯史繁劇合與令史一體近都省未及兩考省  
令史譯史授宣注六品職事部令史已授省劄注從七

品職事今擬省令譯史通事由六部轉充者中統四年正月已前合與直補人員一體擬九十月考滿注六品職事回降正七一任還入六品中統四年正月已後將本司歷過月日三折二驗省府月日考滿通理九十月出職與正七職事並免回降 職官充省令譯史舊例文資右職參注一考滿合得從七品注從六品未合得從七品注正七品如更勒留一考合同隨朝陞一等一考滿未得從七注正七品者回降從七還入正七一考

滿合得從七注從六品合得正七注正六品者免回降  
正從六品人員不合收補省令史譯史如有已補人員  
合同隨朝一考陞一等注授 中統四年正月己前收  
補部令史譯史通事擬九十月為滿任照依已除部令  
史例注從七品回降正八一任還入從七 中統四年  
正月己後充部令譯史通事人員亦擬九十月為考滿  
依舊例正八品職事仍免回降省宣使舊例無此職名  
中統以來初立中書省曾受宣命充宣使者擬出職正

七品職外有非宣授人員擬九十月為考滿與正八品  
至元二十年吏部言准內外諸衙門令譯史通事知  
印宣使奏差等病故作闕未及九十月並令貼補值例  
革者比至元九年例定奪省准宣使各部令史出職同  
三考從七一考之上驗月日定奪一考之下二十月以  
上者正九十五月以上者從九十五月以下擬充巡檢  
臺院大司農司譯史令史出身同三考正七一考之  
上驗月日定奪一考之下二十月以上從八十五月以



上正九十五月以下十月之上從九漆資十月以下巡  
檢宣使三考正八品一考之上驗月日定奪一考之下  
三十月以上從九十五月以上巡檢十五月以下酒稅  
醋使 部令史譯史通事三考從七一考之上驗月日  
定奪一考之下二十月以上者正九十五月以上從九  
十五月以下令史提控案牘通事譯史巡檢 奏差三  
考從八品一考之上驗月日定奪一考之下二十月以  
上巡檢十五月之上酒稅醋使十五月之下酒醋稅都

監 大德四年中書省准吏部擬腹裏江南都吏目提  
控案牘陞轉通例凡腹裏提控案牘都吏目京畿漕運  
司令吏元擬六十月考滿今准九十月考滿都漕運司  
令吏九十月諸路寶鈔提舉司司令吏元擬六十月考滿  
今准九十月考滿萬億四庫司司令吏元擬六十月考滿今  
准九十月考滿大都路令吏元擬六十月考滿任回減  
資陞轉今准六十月考滿不須減資大都運司令吏九  
十月考滿都目寶鈔總庫司司令吏元擬六十月都目九十

月提控案牘今准九十月都目富寧庫司吏元擬六十  
月提控案牘今准九十月都目左右八作司司吏元擬  
六十月今准九十月都目又議已經改擬出職人員各  
路司吏轉充提控案牘都目比同陞用其餘直補人數  
並循至元二十一年之例選用江南提控案牘都目至  
元二十五年呈准各路司吏六十月吏目兩考陞都目  
一考陞提控案牘兩考正九路司吏九十月吏目一考  
轉都目餘皆依上陞轉江南提控案牘除各路司吏比

腹裏路司吏至元二十五年呈准例遷除其餘已行直  
補并自行保舉自呈准月日立格實歷紫牘兩考者止  
依至元二十一年定例九十月入流未及兩考者再添  
一資遷除例後違越叛補者雖歷月日不准 大德十  
一年省臣奏凡內外諸司令史譯史通事知印宣使有  
出身者一半於職官內選用依舊一百二十月為滿外  
任減一資又議選補吏員除都省自行選用外各部依  
元設額數遇闕職官與籍記內相參發補合用一半職

官從各部自行選用通事知印從長官選用譯史則從翰林院試發都省書寫典史考滿人內挨次上名補用其有不敷從翰林發補奏差亦於職官內選一半餘於籍記應例人內發補歲貢人吏依已擬在投聽候省議六部令史如正從九品不敷從八品內亦聽選取省掾正從七品得代有解由并見任未滿已除未任文資流官內選取考滿於應得資品上陞一等除元任地方雜職不用院臺令史如元係七品之人亦在選補之例

譯史通事選識蒙古回回文字通譯語正從七品流  
官考滿驗元資陞一等注元任地方雜職不預知印  
於正從七品流官內選取考滿並依上例注擬雜職不  
預宣使於正從八品流官內選取仍取色目漢人相  
參歷一考於應得資品上陞一等除元任地方雜職不  
預

凡歲貢吏員至元十九年省議中書省掾於樞密院御  
史臺令史內取臺院令史於六部令史內取六部令史

以諸路歲貢人吏補充內外職官材堪省掾及院臺部  
令吏者亦許擢用省掾考滿資品既高責任亦重皆自  
歲貢中出若不教養銓試必致人材失真今擬定例於  
後 諸州府隸省部者儒學教授選本官免差儒戶子  
弟入學讀書習業非儒戶而願學者聽遇按察司本路  
總管府歲貢之時於學生內選行義修明文學優贍通  
經史達時務者保申解貢 各路司吏有關於所屬衙  
門人吏內選取委本路長官參佐同儒學教授考試習

行移算術字畫謹嚴語言辨利詩書論孟內通一經者  
為中式然後補充按察司書吏有闕府州司吏內勾補  
至歲貢時本州本路以上再試貢解 諸歲貢吏當該  
官司於見役人內公選以性行純謹儒吏兼通者為上  
才識明敏吏事熟閑者次之月日雖多才能無取者不  
許呈貢 二十二年省擬呈試吏員先有定例貢法各  
道按察司上路總管府凡三年一貢儒吏各一人下路  
二年貢一人以次籍記遇各部令吏有闕補用若隨路



司吏及歲貢儒人先補按察書吏然後貢之於部按察書吏依先例選取考試唯以經史吏業不失章指者為中選隨路貢舉元額自至元二十三年為始各道按察司每歲於書吏內以次貢二名儒人一名必諳吏事吏人一名必知經史者遇各部令吏有關以次勾補元貞元年詔諸路有儒通吏事吏通經術性行修謹者各路薦舉廉訪司試選每道歲貢二人省臺委官立法考試必中程式方許錄用 大德二年貢部人吏擬宣慰

司廉訪司每道歲貢二人儒吏兼通者自大德三年為始依例歲貢應合轉補各部寺監令史依至元新格發遣到部之日公座試驗收補 九年省判凡選府州教授年四十已下願試吏員程式許補各部令史除南人已試者別無定奪到部未試之日依例考試 至治二年省准各道廉訪司書吏先儘儒人不敷者吏員內充貢各歷一考依例試貢

凡補用吏員至元十二年省議有出身人員遇省掾有

闕擬合於正從七品文資職官并臺院六部令史內從  
上名轉補 翰林兩院擬同六部令史有闕於隨路儒  
學教授通吏事人內選補 樞密院御史臺令史省掾  
有闕從上轉補考滿依例除授又於正從八品文資官  
及六部令史內轉補 省掾事官令史與六部令史一  
體三考出身於部令史內發補 少府監令史擬於六  
部并諸衙門考滿典吏內補用 十三年省議行工部  
令史與六部令史一體於應補人內挨次填補 十四

年詔諸站都統領使司命使擬同各部令史今既改通  
政院與臺院令史一體出身於各部令史內選補十  
五年部擬翰林院國史院令史同臺令史一體出身於  
各部令史內選取二十一年省議江淮江西荆湖等  
處行省令史擬將至元十九年咨發各省貼補人員先  
行收補不許自行踏逐移咨都省於六部見役令史內  
補充或參用職官則從行省新除正從八品職官內選  
取雜職官不預二十二年宣徽院令史考滿正七品

遷叙於六部請俸令史內選取 總制院與御史臺同  
品令譯史通事一體如之 二十四年省准大都留守  
司兼少府監令史依宣徽院大司農司例遷 二十八  
年省議陝西行省令史於各部及考令史并正從八品  
流官內選補 二十九年大司農司令史於各部一考  
之上令史及正從八品職官內選取 省掾有闕於正  
七品文資出身人員內選吏員於樞密院御史臺令史  
元係六部令史內發充歷二十月以上者選如無於上

名內選 三十一年省准內史府令史於各部下名令  
史內選 大德三年省准遼陽省令史宜從本省選正  
從八品文資職官補用復令各部見役令史內不限歲  
月或願充或藉貫附近或遷到職官逐旋選解 國子  
監令譯史於籍記寺監令史內發補 上都留守司令  
史於籍記各部令史內或於正八品職官內選用考滿  
從七品遷用 宣徽院拉本伊克監令史准本院依驗元  
准月日挨補考滿同自行踏逐者降等遇闕如係籍記令

史并常調提控案牘內及本院兩考之上典吏內補充者考滿依例遷叙自行選用者止於本衙門就給付身不入常調 四年部擬上都留守司令史仍聽本司於正從八品流官內或於上都見役寺監令史河東山北二道廉訪司上名書吏內就便選用 上都兵馬司司吏發補附近隆興大同大寧路司吏相應 部擬各處行省令史除雲南甘肅征東外其餘合依至元二十一年定例於六部見役上名令史或正從八品流官參補

不敷聽於各道宣慰司元係廉訪按察司轉補見役兩  
考之上令史內選充以宣慰司役過月日折半推算通  
理一百二十月方許出職大德五年擬檀景等處採  
金鐵冶都提舉司人吏於附近州縣司吏內遴選六  
年省議太醫院令史於各部令史并相應職官內選取  
長信寺令史於元保內選補考滿降等叙用有關於  
籍記令史內發補七年擬刑部人吏於籍記令史內  
公選不許別行差補考滿離役依例選取餘者依次發



補 禮部省判許於籍記部令史內選取儒吏一名績  
准一名於籍記部令史內從上選補 戶部令史於籍  
記部令史內從上以通曉書算練達錢穀者發遣從本  
部試驗收補 八年省准隨路補用吏員令各路先以  
州吏入役月日籍為一簿府吏有缺從上勾補州吏有  
闕則於本州籍記司縣人吏內從上勾補 各道宣慰  
司令史遇闕以籍記部令史下名發補新除正從九品  
流官內選取 九年省准都城所係在京五品衙門司

吏厯兩考轉補京畿都漕運兩司令史遇闕以倉庫攢  
典歷一考者充選及兩考則京畿都漕運兩司籍名遇  
闕依次收補先上都寺監令史有闕先儘省部籍記常  
調人員發補仍於正從九品流官內并應得提控案牘  
內選取不敷就取元由路吏考滿陞充都吏目與史淮  
吏目月日及大同大寧隆興三路司吏歷兩考之上者  
參用十年省淮司縣司吏有闕於巡尉司吏內依次  
勾補巡尉司吏有闕從本處耆老上戶循衆推舉仍將

祇應月日均以歲為滿州更有闕縣吏內勾補路吏有  
闕州吏內勾補若無所轄府州於附近府州吏內勾補  
縣吏發補附近府州司吏 戶刑禮部合選令吏有闕  
於籍記令吏上十名內并職官到選正從九品文資流  
官內試選 十一年省准縣吏如歷一考取充庫子一  
界再發縣吏准理州吏月日路吏有闕依次勾補 至  
大元年省准典寶監令吏就用前典寶署典書蒙古筆  
且齊一名例從翰林院試補知印通事各一名從長官

選保 二年立資國院二品及司屬衙門令史一十名  
半用職官從本院選半於上名部令史內發補譯史二  
名內職官一名從本院選外一名翰林院發通事知印  
各一名從本院長官選宣使八名半參用職官餘許本  
院自用一名外三名常選相應人內發典史六名從本  
院選所轄庫二處每處司庫六名巴哩巴四名於常選  
人內發泉貨監六處各役令史八名於各路上名司吏  
內選譯史一名從翰林院發通事二名從本監長官選

奏差六名各州司吏內選典吏二名本監選以上考滿  
同都漕運司吏出身所轄十九處兩提舉司設吏目一  
人常選內選司吏五名縣司吏內選 三年省准泉貨  
監令吏於各處行省應得提控案牘人內選參用正從  
九品流官山東河東二監從本部於相應人內發補考  
滿依例遷用見役自用之人考滿降等叙有闕以相應  
人補 四年省准江西等處儒學提舉司司吏舊從本  
司公選後從國子監發補宜從本司選補 典瑞監首

領官令譯史等依典寶監例選用考滿遷叙 部議長  
信寺通事一名例從所保譯史知印令史奏差從本衙  
門選一半職官餘相應人內選考滿同自用遷叙典史  
二名就便定奪其自用者降等叙 皇慶元年省准羣  
收監令譯史知印克呼穆爾齊奏差人等據諸色譯史  
例從翰林院發補知印通事長官選令史奏差典史俱  
有發補定例其已選人考滿降等叙有關於相應人內  
選發 大都路令史歷六十九月依至元二十九年陞

提控案牘減一資陞轉有過者雖貼滿月日不減資遇  
闕於所轄南北兵馬司并各州見役上名司吏內勾補  
有闕從本路於左右巡院大興宛平興其餘縣吏通籍  
從上挨補月日雖多不得無故替罷違例補用者不准  
除已籍記外有闕依上勾補 覆實司司吏於諸州見  
役司吏內選不敷則以在都倉庫見役上名搆典發充  
歷九十月除都目年四十五之下歷一考之上亦許轉  
補京畿都漕運司令吏違例收補別無定奪 二年省

准中瑞司譯史從翰林院發知印長官選保令史奏差  
參取職官一半所選用應考滿依例遷叙奉懿旨委用  
者考滿本司區用有關以相應人補 征東行省令譯  
史宣使人等舊考滿從本省區用若經省部擬發相應  
之人依例遷用如不應者雖省發亦從本省區用 延  
祐二年省准河間等路都轉鹽運使司所轄場分二十  
九處二處改陞從七品司吏有關依各縣人吏一體於  
附近各處巡尉捕盜司吏依次以上名勾補再歷一考



與各場隣縣吏互相遷調 和琳路總管府司吏以本  
處兵馬司吏歷一考者轉補再歷一考轉青海宣慰令  
史考滿除正八品補不盡者六十月受部劄充提控案  
牘沙瓜二州屯儲總管萬戶府邊遠比例一體出身相  
應 會福院令譯史通事宣使人等若省部發去者依  
例遷叙自用者考滿同二品衙門出身例降一等添一  
資陞轉於常選教授儒人職官并見役各部令吏內取  
補宣使於常職官內參補通事知印從長官選用仍須

參用職官典吏從本衙門補用 五年省准詹事院立  
家令司府正司知印克埒穆爾齊俱令長官選用令史  
六名內取教授二名職官二名廉訪司書吏二名譯史  
一名於蒙古字教授及隣省役蒙古書寫內選補奏差  
二名以相應人補

凡宣使奏差委差巡鹽官出身中書省宣使至元十九  
年曾受宣命補充者九十月考滿正七品省劄宣使九  
十月考滿比依部令史例從七品其臺院宣使各部奏

差比例定擬 二十三年省准省部臺院令譯史通事  
宣使奏差人等未滿九十月不許預告遷轉都省元定  
六部奏差遷轉格例應入吏目選充者三考從八品應  
入提控案牘人員選充者三考從八品任回減一資陞  
轉巡檢提控案牘選充者一考正九品 二十四年省  
准大都留守司兼少府監奏差改充宣使合於各部奏  
差內選取改陞宣使月日為始考滿比依宣徽院大司  
農司一體出身自行踏逐者降等遷叙 大司農司所

轄各道勸農營田內書吏於各路司吏內選取考滿提  
控案牘內任用奏差就令本司選委 二十九年省准  
各道廉訪司通事譯史出身比依書吏一體考滿正九  
奏差考滿依通事譯史降二等量擬於錢穀官并巡檢  
內任用 三十年省准延慶司奏差比依家令司奏差  
一體考滿正九品自行踏逐者降一等 大德四年省  
准諸路寶抄提舉司奏差改稱委差九十月為滿於酌  
中錢穀官內任用 五年部議山東運司奏差九十月

近下錢穀官內任用大都運司一體定奪 六年部議  
河間運司巡鹽官依奏差出身九十月近下錢穀官內  
任用 七年部擬凡奏差自改立廉訪司為始九十月  
歷巡檢三考轉從九 皇慶元年各道廉訪司奏差出  
身於本道所轄上名州司吏內選取九十月都目內任  
用若有路吏并典吏內取充者歷兩考比依上例都目  
內陞轉

凡庫藏司吏庫子等出身 至元二十六年省准上都

資乘庫庫子巴哩巴九十月近上錢穀官內任用 衛

院利器庫壽武庫庫子踏逐者九十月近上錢穀官內

任用 二十八年省擬泉府司富藏庫及巴哩巴庫子

六十月近下錢穀官內任用 太府監行內藏庫子三

周年為滿省劉錢穀官內遷叙 備用庫提控三十月

庫子巴哩巴三周歲近上錢穀官內任用 三十年省

准大都留守司兼少府監器備庫庫子巴哩巴六十月

近下錢穀官內任用 三十年省准宣徽院生料庫庫

子已哩巴并太醫院所轄御藥局院已哩巴出身例六  
十月近上錢穀官一體遷叙 大德元年部擬中御府  
奉宸庫庫子以三周歲為滿擬受省劄錢穀官已哩巴  
六十月近上錢穀官內任用 三年省擬億萬四庫左  
右八作司富寧寶源等庫各設色目司庫二名俱於樞  
密院各銜色目軍內選差考滿巡檢內任用自行踏逐  
者一考並同循行如此又漢人司庫於院府提領大使  
都監內發補二周歲滿日減一界陞轉其色目司庫於

到選錢穀官內選發考滿優減兩界 都提舉萬億庫  
提控案牘比常選人員任迴減一資陞用司吏三十五  
人除色目四人外漢人有關於大都總管府轉運司漕  
運司下名司吏內選取三十月擬充吏目四十五月之  
上六十月之下都目六十月以上轉提控案牘省擬六  
十月以上四十五月以下願充寺監等令史者聽司庫五  
十人除色目一十四人另行定奪外漢人於大都路入  
戶內選用二週歲為滿院務提領內任用都監內充司



庫二年為滿於受省劄錢穀官內任用務使充司庫二年為滿於從九品雜職內任用秤子五人於大都人戶內選充二年為滿於近下錢穀官內任用 太醫院御藥局巴哩巴六十月近上錢穀官內任用 四年受給庫依油磨坊設攢典庫子從工部選 會同館收支庫攢典與長秋庫同 上都廣積萬盈二倉係正六品永豐係正七品比之大都平准庫品級尤高擬各倉攢典轉寺監巴哩巴并萬億庫司吏相應 提舉廣惠司庫

子考滿近下錢穀官內任用 侍儀司法物庫所設攢  
典庫子依平淮行用庫例補用 五年大都尚食局巴  
哩巴擬於錢穀官內遷叙本院自行踏逐者就給付身  
考滿不入常調 都提舉萬億寶源局色目司庫擬於  
巡檢內任用漆一資陞轉 京畿都漕運司司倉於到  
選錢穀官內任用 六年部呈凡路府諸州提控案牘  
都吏目等諸衙門吏員出身應得案牘都吏目如係路  
府司吏轉充之人依舊遷除其由倉庫攢典雜進者得

提控案牘改省劄錢穀官都目近上錢穀官吏目改酌中錢穀官提控案牘都吏目日考滿於流官任內遷用

廣勝庫子合從武備寺給付身考滿本衙門定奪大

積等倉庫典史與四庫案牘所掌事同仁減一資陞用

七年各路攢典庫子部議江北及行省所轄路分庫

子依已擬於司縣司吏內差補周歲發充縣司吏遇州

司吏有闕挨次勾補諸倉庫攢典有關於各部籍記

典吏內發補左右八作司等五品衙門內司吏有闕却

於各倉庫上名攢典內發補若萬億庫四品衙門司吏  
有闕亦於上項司吏內從上轉補將役過五品衙門月  
日五折四准算通理九十月考滿提控案牘內選用如  
轉補不盡五品衙門司吏考滿止於都目內任用油磨  
坊抄紙坊攢典有闕並依上例 回回藥物院巴哩巴  
六十月酌中錢穀內定奪 九年省准提舉和琳倉實保  
齊巴勒噶遜倉孔古列倉司吏六十四月中錢穀官內  
委用資成庫庫子出身部議比依太府利用章佩中尚

等監武備寺庫有闕如係本衙門典吏請俸一考轉補者六十月為近上錢穀官其餘補充之人九十月依上選用 和琳等處宣慰司都元帥府所轄廣濟庫庫子攢典自行踏逐者比依三倉例六十月於近下錢穀官內定奪 至大二年省准廣禧庫庫子依奉宸庫例出身如係已哩巴一考之上轉充者四十五月受省劄錢穀官其餘充補之人六十月依上例選用已哩巴元係本衙門請俸一考典吏轉補者六十月近上錢穀官其

餘補充者九十月亦依上例遷用上都東西萬盈廣  
積二倉司倉與倉官一體二週歲為滿三年省准各  
路庫子於各處錢穀官內補發擬不減界考滿從優定  
奪江北庫子止依舊例和琳設立平准行用庫庫子宜  
從本省相應人內量選二名二周歲為滿近下錢穀官  
內定奪皇慶元年部議文成供須藏珍三庫巴哩巴庫  
子依太府監庫子例常選內委用考滿比例遷除有關  
於常調人內發補自行選用者考滿從本院定奪若係

常選任用者考滿依例遷叙 二年殊祥院所轄萬聖  
庫庫子攢典依崇祥院諸物庫例出身部議如比上例  
三十月轉補五品衙門司吏再歷三十月於四品衙門  
司吏內補用其庫子合於常調籍記倉庫攢典人內發  
補六十月為滿於務都監內任用自行委用者考滿本  
衙門定奪 廷祐元年省議腹裏路分司倉庫子於州  
縣司吏內勾補滿日同舊例陞轉

凡書寫銓寫書吏典吏轉補 至元二十五年省准通

政等二品衙門典吏九十月補本院宣使各寺監典吏  
比依上例考滿轉補本衙門奏差 戶部填寫勘合典  
吏與管勘合令史一體考滿從優定奪 參議府左右  
司客省使令史書寫四十五月轉補如補不盡於提控  
案牘內任用於各部銓寫及典吏內收補 會總房承  
發司照磨所架閣庫典吏各部銓寫六十月轉補已上  
都目內任用 各部典吏并左右部照磨所架閣庫典  
吏於都省參議府左右司客省使令史書寫內以次轉



補如補不盡六十月轉補各監令史已上吏目內任用  
樞密院典吏銓寫依御史臺典吏一體六十月轉部  
轉補不盡六十月已上於都目內任用御史臺典吏遇  
察院書吏有關從上挨次轉補通理六十月補各道按  
察司書吏部令史有關亦行收補 二十六年省准上  
都留守司吏本路都總管府典吏九十月補本司宣使  
考滿依例定奪 二十七年省准漕運使司令史九十  
月提控案牘內任用如年四十五以下願充寺監令史

者聽 省院臺院書寫銓寫典吏人等出身與各道宣  
慰司按察司隨路總管府歲貢吏員一體轉部書寫人  
等止令轉寺監等衙門令史 二十八年省准參議府  
左右司客省使令史各房書寫有關擬於都省典吏內  
選補五折四令史書寫月日通折四十月轉部及六部  
銓寫典吏一考之上選充三折二令史書寫月日通折  
四十五月轉補各部令史如已行選用者四十五月補  
寺監令史 參議府左右司客省使令史各房書寫有

闕擬於都省典吏內選補五折四令史書寫月日通折  
四十五月轉部及六部銓寫典吏一考之上選充三折  
二令史書寫月日通折四十五月轉補各部令史如自  
行選用者四十五月補寺監令史 部議執總會總房  
照磨承發司架閣庫典吏一考之上轉補參議府左右  
司客省使令史補不盡者四十五月補寺監令史有闕  
於六部銓寫典吏一考之上選充三折二省典吏月日  
通折六十月轉補各部令史若轉充參議府左右司客

省使令史都省書寫五折四令史書寫月日通折四十  
五月轉部如自行選用者六十月補寺監令史 六部  
銓寫典吏并左右部照磨所架閣庫典吏一考之上過  
省書寫典吏月日補不盡者六十月轉補寺監令史省  
議除見役外後有關擬於都省各房寫發人內公舉發  
補除轉充參議府左右司客省使令史都省書寫典吏  
者依前例轉補不盡者六十月充都目 二十九年部  
擬御史臺典吏三十月依廉訪司書吏轉補察院三十

月轉部補不盡者考滿從八品遷用外行臺典吏三十  
月轉部行臺察院書吏再歷三十月發補各道宣慰司  
令史 參議府令史四十五月轉部令史 光祿寺典  
史考滿轉補本衙門奏差 元貞元年省准省部見役  
典史實歷俸月名排籍記遇都省書寫典史有關從上  
挨次發補 樞密院銓寫一考之上補都省書寫通折  
月日陞轉外本院銓寫有關補請俸上名典史 大德  
元年省准兩淮本道書吏轉補行臺察院書吏江南宣

慰司令史 雲南四川河西三道書吏在邊遠者三十  
月為格依上遷補 江浙行省檢校書吏於行省請俸  
典吏內選補以典吏月日五折四通折書吏六十月轉  
各道宣慰司 四年省准徽政院掌儀掌膳掌醫署書  
吏宜從本院通定名排若本院典吏有關以次轉補  
八年省議院臺以下諸司吏員俱從吏部發補據曾經  
省發并省判籍定典吏令史從吏部依次試補元籍記  
典吏見在寫發者遇各庫損典試補 省掾每名設貼

書二名就用已籍記者呈左右司關吏部籍定遇部典  
吏闕收補歷兩考從上名轉省典吏除一考外餘者折  
省典吏月日兩考陞補參議府左右司客省使令史書  
寫檢校書吏通折四十五月補不盡者典吏六十月遇  
寺監令史宣慰司令史有關依次發補除宣慰司令史  
已有貢部定例寺監令史歷一考與籍記部令史通籍  
發補各部令史寺監見役人等雖經准設未曾補闕不  
許轉部考滿依舊例遷叙其省部典吏書寫人等轉入

寺監宣慰司願守考滿者聽 御史臺令史一名選貼  
書二名依次選試相應充架閣庫子轉補典史三十月  
發充各道廉訪司書吏再歷一考依例歲貢 三品衙  
門典史歷三考陞宣使補不盡本衙門於相應闕內委  
用 部典史一考之上轉省典史補不盡者三考補本  
衙門奏差兩考之上發寺監宣慰司奏差外據六部係  
名貼書合與都省寫發人相參轉補各部典史補不盡  
者發各庫攢典都省寫發人有關於六部係名貼書內



參選不盡者依舊發各庫掇典 九年省准獄典歷一  
考之上轉各部典吏 翰林國史院書寫考滿除從七  
品有關從本院於籍記教授試准應補部令史內指名  
選用 太常寺典吏歷九十月注吏目 工部符牌局  
典吏三十月轉各部典吏 翰林國史院蒙古書寫四  
十五月轉補寺監蒙古筆且齊 宣徽院所轄寺監令  
史有關於到部籍記寺監令史與本院考滿典吏挨次  
發補 十年省准陝西諸道行御史臺察院書吏若係

腹裏歲貢廉訪司見役書吏選人數須歷一考以上  
名貢部下名轉補察院 總管府獄典轉州司吏府州  
者補縣吏須歷一考方許轉補 江浙行省運司書吏  
九十月陞都目添一資陞轉如非各路散府上州司吏  
補充役過月日別無定奪 十一年省准左司言照磨  
所典吏遇闕宜於左右部照磨所典吏內從上發補  
各路府州獄典遇闕於廉訪司寫發人及各路通曉刑  
名貼書內參補 至大元年省准各部蒙古筆且齊如

係翰林院選發之人四十五月遇各衙門譯史有關依次與職官相參補用不敷從翰林院發補 三年省准詹事院蒙古書寫如係翰林院選發之人四十五月遇典用等監衙門譯史有關依次與職官相參補用不敷從翰林院選發 和琳行省典吏轉理問所令史四十五月發補青海宣慰司令史轉補不盡典吏須歷六十月依上發補 中瑞司掌謁司典書九十月與寺監令史一體除正八品 行臺察院書吏俱歷九十月依舊

出身叙任迴添一資陞轉 內臺察院轉部行臺察院  
轉江南宣慰司令史北人貢內臺察院各道廉訪司書  
吏先役書吏歷九十月擬正九品任回添一資陞轉  
省議廉訪司書吏上名貢部下名轉察院不盡者通九  
十月除正九品察院書吏三十月轉部不盡者九十月  
除從八品非廉訪司取充則四十五月轉部不盡者考  
滿除正九品 二年議廉訪司書吏貢察院書吏不盡  
者九十月除正九品行臺察院書吏轉補不盡者如之

內臺察院書吏轉部年高不願轉部者九十月除從八品 皇慶元年部議廉訪司職官書吏合依通例選取不許遷叙候書吏考滿通理叙用 職官先嘗為廉訪司書吏者避元役道分并其餘相應職官歷三十月減一資又教授學正學錄并府州縣提控案牘都吏目內委充職官各理本等月日其餘歲貢儒吏依例選用又廉訪司奏差內臺行臺典吏有能者歷一考之上選充書吏通儒書者充儒人數通吏業者充吏員數 參議府

左右司客省使令史書寫檢校書吏依至元二十八年  
例以省典吏選充五折四令史書寫書吏月日通折五  
十五月轉部省典吏係六部銓寫典吏轉充三折二省  
典吏月日通折六十月轉各部令史自用之人并轉補  
不盡省典吏考滿發補寺監各道宣慰司令史 二年  
省准河東宣慰司選河東山西道廉訪司書吏充令史  
合迴避按治道分選取其餘亦合一體 延祐三年部  
擬行臺察院書吏各道廉訪司掌書元係吏員出身者

並依舊例以九十月為滿依漢人吏員降等於散府諸  
州案牘內選用任迴依例陞轉 太宗正府蒙古書寫  
四十五月依樞密院轉各衛譯史除正八品例籍定發  
補諸寺監譯史 察院書吏與宣慰司令史皆係八品  
出身轉部者宜以五折四理算宣慰司令史出身正八  
品察院從八品其轉補到部者以五折四准算太優令  
三折二其廉訪司徑發貢部及已除者難議理算 天  
歷元年臺議各道書吏額設一十六人有關宜用終場

下第舉子四人教授四人各路司吏四人通吏職官四人委文資正官試驗相應方許入部

凡衛翼吏員陞轉 皇慶元年樞密院議各處都府并總管高麗女直漢軍萬戶府及臨清萬戶府秩三品本府今更有關於一考都目兩考吏目并各衛三考典吏內呈院發補九十月歷提控案牘一任於各萬戶府知事內選用 延祐六年樞密院議各衛翼都目得代兩考者擬受院劄提控案牘內銓注三考陞千戶所知事



月日不及者各衛翼挨次前後得代日期於都目內貼補各衛提控案牘年過五旬已歷四考者陞千戶所知事及兩考年四十五以下發補各衛令史不及兩考者止於案牘內銓注受院劄通理一百二十月於千戶所知事內選用各處蒙古都元帥府額設令史有關於本府所轄萬戶府并鄂囉府上各司吏年四十以下者選取呈院准設歷一百二十月再歷提控案牘一任於萬戶府知事內選用泰定三年樞密院議行省所

轄萬戶府司吏有關於本翼上千戶所上名司吏內取  
補須行省准九十月充吏目一考轉都目其一考除千  
戶所提領案牘一考陞萬戶府提控案牘歷兩考通歷  
省除一百五十月行省照勘相同咨院於萬戶府知事  
內區用

凡各萬戶府司吏 蒙古都萬戶府司吏有關於千戶  
所司吏內選補歷一百二十月陞千戶所提領案牘一  
考萬戶府案牘通理九十月轉萬戶府知事 漢軍萬

戶府并所轄萬戶府及鄂囉府司吏於千戶所司吏內  
補用呈院准設九十月充吏目一考都目一考陞千戶  
所或都千戶所鄂囉府提控案牘再歷萬戶府或都府  
鄂囉府提控案牘兩任於萬戶府知事內用 各處都  
府令吏於一考都目兩考吏目并各衛請俸三考典吏  
內呈院發補九十月為滿再歷提控案牘一任於各萬  
戶府知事內選用 各處蒙古軍元帥府令史大德十  
年擬於本府所轄萬戶府并鄂囉府上名司吏內年四

十以下者選補呈院准設歷一百二十月再歷提控案牘一任於萬戶府知事內選用 各省鎮撫司令史於各萬戶府上名六十月司吏內選用受行省劄三十月為滿再於各萬戶府提控案牘內歷一百二十月知事內定奪 各衛翼今史有出身轉補者九十月正八無出身者從八內定奪

凡提控案牘都目 至元二十一年三月已後受院劄九十月為滿行省行院劄一百二十月為滿於萬戶府

知事內用 大德四年案牘年過五旬已歷四考者於  
千戶所知事內定奪外及兩考四十五以下發補各衛  
令史若不及考者止於案牘內銓注受院劄通理一百  
二十月於千戶所知事內用 各衛翼都目延祐六年  
請俸兩考者院劄提控案牘內銓注歷三考陞千戶所  
知事月日不及者各衛翼都目內貼補如各衛典吏轉  
充者六十月直隸本院萬戶府提控案牘弩軍屯田千  
戶所鎮撫司提控案牘內銓注無俸人轉充者九十月

依上陞轉 鎮撫司屯田營軍千戶所都目依中州例  
改設案牘止請都目俸三十月為滿依例注代



元史卷八十三

元史卷八十三考證

選舉志三流官於巡檢內用雜職於省劄錢穀官內用  
按原刻此二句作小註考上下文各品蔭叙相同此  
正六品子不過分兩等用今據續通考改作正文

選舉志三各設今史八名於各路上名司吏內選 按  
今史原刻作今史今據百官志改

選舉志三太府監行內藏庫子三周年為滿 按內藏  
原刻訛由藏今據百官志改





欽定四庫全書

史部  
元史卷八十五

御史<sub>臣</sub>徐如澍覆勘

總校官編修臣朱鈴

欽定四庫全書

元史卷八十四

明翰林學士亞中大夫知制誥兼修國史宋濂等修

選舉志第三十四

選舉四

考課

凡隨朝職官至元六年格一考陞一等兩考通陞二等  
止六部侍郎正四品依舊例通理八十月陞三品左右

司郎中員外郎都事考滿陞二等六部郎中員外郎主事三十月考滿陞一等兩考通陞二等

凡官員考數省部定擬從九品擬歷三任陞從八正九品歷兩任陞從八正八品歷三任陞從七從七歷三任呈省正七歷兩任陞從六從六品通歷三任陞從五正六歷兩任陞從五從五轉至正五緣四品闕少通歷兩任須歷上州尹一任方入四品內外正從四品通理八十月陞三品

凡取會行止中統三年詔置簿立式取會各官姓名籍貫年甲入仕次第至元十九年諸職官解由到省部考其功過以憑黜陟大德元年外仕官解由到吏部止於刑部照過將各人所歷立行止簿就檢照定擬

凡職官迴降至元十九年定江淮官已受宣勅資品相應例陞二等遷去江淮官員依舊於江淮任用其已考滿者並免回降不及考者例存一等有出身未合入流品受宣者任迴三品擬同六品四品擬同七品正從五

品同正八品受敕者正從六品同從八品七品八品同  
正從九品正從九品同提領案牘巡檢無出身及白身  
人受宣者三品同七品四品同八品正從五品同正九  
品受勅者正從六品同從九品七品八品同提領案牘  
巡檢正從九品擬院務監當官其上項有資品人員再  
於接連福建兩廣溪洞州郡任用擬陞一等兩廣福建  
別議陞轉 至元十四年都省未注江淮官已前創立  
官府招撫百姓實有勞績者其見受職名若應受宣者

三品同七品四品五品擬同八品若應受勅者正從六品同正從九品其七品八品擬同提控案牘巡檢正從九品擬同院務監當官無出身不應叙白身人其見受職名應受宣者三品同八品四品五品同九品應受勅者正從六品同提控案牘巡檢七品以下擬院務監當官其上項人員若再於接連福建兩廣溪洞州郡任用擬陞一等兩廣福建別議陞轉至元十四年已後新收撫州郡准上例定奪前資不應又陞二等遷去江淮

官員任迴擬定前資合得品級於上例陞二等止於江  
淮遷轉若於腹裏任用並依上例七品以下已歷三品  
四品者比附上項有出身未入流品人員例從一高前  
三件於見擬資品上增一等銓注 二十一年詔軍官  
轉入民職已受宣勅不曾之任者擬自准定資品換授  
從禮任月日為始理算資考陞轉若先受宣勅已經禮  
任資品相應者通理月日陞轉外據驟陞人員前任所  
歷月日除一考外餘月日與後任月日依准定資品通



理陞轉不及考者擬自准定資品換授從禮任月日為始理算資考陞轉 腹裏常調官除資品相應者依例陞轉外有前資未應入流品受宣敕者六品以下人員照勘有無出身依驗職事品秩自受勅以後歷一考者同江淮例定擬不及考者更陞一等五品以上人員斟酌比附議擬呈省據在前已經除授者任迴通理定奪凡吏屬年勞差等 至元六年吏部呈省部譯史通事舊以一百二十月出職今案牘繁冗合以九十月為滿

十九年部擬行省通事譯史令史宣使或經例革替  
罷所歷月日不等如元經省掾發去不及一考者擬令  
貼補及一考之上者比臺院令史出身例定奪自行踏  
逐者降一等敘不及一考者發還本省區用宣慰司人  
吏經省院發不及一考者擬貼補及一考之上者比部  
令史出身降一等定奪自行踏逐者又降一等不及一  
考者別無定奪二十年省擬雲南行省極邊重地令  
譯史人等六十月考滿甘肅行省令譯史人等六十

五月考滿本土人員依舊例用 二十五年省准緬中行省令史依雲南行省一體出身 大德元年省臣奏以省臺院諸衙門令譯史通事知印宣使等舊以九十月為滿陞遷太驟今以一百二十月為滿於應得職事內陞用又寫聖旨掌奏事選法應辦刑名文字筆且齊等以八月折十月今後毋令折算 四年制以諸衙門令譯史宣使人等一百二十月為滿部議遠方令譯史人等甘肅福建四川於此發去九十月為滿兩廣海北

海南道於此發去八十月滿雲南省八十月滿土人一  
百二十月滿都省議俱以九十月為考滿土人依例一  
百二十月為滿 至大元年部議和琳行省即係遠方  
其人吏比四川甘肅行省九十月出職 二年詔中外  
吏員人等依世祖定制以九十月滿叅詳歷一百二十  
月已受除者依大德十一年內制外任減一資所有詔  
書已後在選未曾除受并見告滿之人歷一百二十月  
者合同四考理算外任一資不須再減省擬以九十月

為滿餘有月日後任理算應滿而不離役者雖有役過月日不准 三年省准河西廉訪司書吏人等月日部議合准舊例雲南六十月河西四川六十五月土人九十月為滿 皇慶二年部議凡內外諸司吏員舊以九月十月為滿大德元年改一百二十月為滿至大二年復舊制一紀之間受除者衆其元除有以三十月為一考者亦有四十月為一考者以所除不等往往援例陳訴有礙選法擬合依已降詔條為格條大德元年三月七

日以後入役至未復舊制之前已除未除俱以四十月  
為一考通理一百二十月為滿減資陞轉其未滿受除  
者一體理考定擬餘二十六月已上准陞一等十五月  
之上減外任一資十五月之下後任理算改格之後應  
滿而不離役者役過月日別無定奪

凡吏員考滿授從六品 至元九年省准省令史出身  
中統四年已前六品陞遷已後七品除授至元之後事  
繁責重宜依准中統四年已前考滿一體注授 三十

一年省議三師僚屬蒙古筆且齊掾史宣使等依都省  
設置若不由臺院轉補者降等敘 元貞元年省議監  
脩國史僚屬依三師所設非臺院轉補者降等敘 大  
德五年部呈考滿省掾各各資品省議今後院臺并行  
省令史選充省掾者雖理考滿須歷三十月方許出職  
仍分省發自行踏逐者各部令史毋得直理省掾月日  
凡吏員考滿授正七品 至元九年部擬院臺大司農  
司令史出身三考正七品一考之上驗月日定奪一考

之下二十月以上為從八品十五月以上正九品十五  
月以下十月之上為從九品添一資歷十月以下為巡  
檢 十一年部議扎爾古齊令史譯史考滿合依樞密  
院御史臺令史譯史出身三考出為正七品自用者降  
一等有關於部令史內選取 十四年部擬前諸站統  
領使司令史同部令史出身今既改通政院從二品通  
事譯史令史人等宜同臺院人吏一體出身 十五年  
翰林國史院言本院令史係省准人員其出身與御史



臺一體遇闕省掾時亦合勾補准吏部牒本院令史以  
九十月考滿同部令史出身本院與御史臺皆隨朝二  
品令史亦合與臺令史一體出身有闕於部令史內選  
用 十九年部擬臬府司隨朝從二品令史譯史人等  
由省部發者考滿依通政院例定奪自行用者降一等  
二十年定擬安西王王相府首領官令史與臺院吏  
屬一體遷轉 二十二年部擬宣徽院陞為二品與臺  
院品秩相同令史出身合依正七品遷除貢補省院有

關於部令史內選取 摠制院與御史臺俱為正二品  
部擬令譯史考滿亦合一體出身 二十三年省准詹  
事院掾史若六部選充者考滿出為正七品自用者降  
等 二十四年集賢院言本院與翰林國史院品級相  
同省議令史考滿一體定奪 二十五年省議上都留  
守司兼本路摠管府令史出身三考正八品其自部令  
史內選取者同宣徽院太醫院令史一體出身上都留  
守司陞為正二品見設令史自行踏逐者考滿不為例

從七品內選用部令史內選取考滿宣徽院大司農司  
令史一體出身 部議都護府人吏依通政院令譯史  
人等出身由部議都護考滿出為正七品自用者降一  
等 二十六年省准都功德使司隨朝二品令譯史人  
等比臺院人吏等一體陞轉 二十九年部呈大司徒  
令史若各部選發者三考出為正九自用者降等 崇福  
司與都護府泉府司品秩相同所設人吏由省部發者  
考滿出為正七品自用者降一等 福建省征爪哇所

設人吏出征迴還俱同考滿 三十年省准將作院令  
史依通政院等衙門令史考滿除正七品部議如係六  
部選發考滿除正七品自用者本衙門敘 元貞元年  
內史府秩正二品令史亦於部令史內收補考滿除正  
七品自用者降等 大德九年部擬庫庫楚大司徒令  
史若各部選發考滿正七自用者降等 至大四年省  
准會福院令史知印通事譯史宣使典吏俱自用前擬  
不拘常調考滿本衙門區用隆禧院令史人等如常選

者考滿依例遷敘自用者不入常調於本衙門區用  
皇慶二年部議崇祥院人吏係部令史發補者依例遷  
用不應者降等敘 延祐四年部議隆禧院令史譯史  
通事知印典吏同五臺殊祥院人吏一體常選內委付  
其出身若有曾歷寺監并籍記各部令史人等考滿同  
二品衙門出身降等敘白身者降等添一資陞轉省部  
發去者依例遷敘後有關令史須於常選教授儒人職  
官并部令史見役上名內取補宣使於職官并相應內

叅補通事知印從長官保選仍叅用職官違例補充別無定奪殊祥院人吏先未定擬亦合一體

凡吏員考滿授從七品 至元六年省擬部令史譯史通事人等中統四年正月以前收補者擬九十月為滿注從七品回降正八一任還入從七以後充者亦擬九十月為滿正八品仍免回降 九年吏禮部擬凡部令史二考注從七品一考之上驗月日定奪一考之下二十月以上者正九品十五月以上從九品十五月以下

令史提控案牘通事譯史巡檢 太府監改擬正三品  
與六部同人吏自行踏逐將已歷月日准為資考似為  
不倫擬自改陞月日為始九十月為滿同部令史出職  
有關於籍記部令史內挨次收補 十一年省議省斷  
事官令史與六部令史一體出身若是實歷俸九十月  
考滿遷除有闕則於應補部令史人內挨次補用 省  
議中御府正三品擬同太府監令史出身九十月於從  
七品內除授自行踏逐者降一等歇下名關於應補部

令史人內補填 十三年省議行工部令史與六部令史一體出身 四集賽令史九十月同部令史出身有闕以籍記部令史內補填 二十年部呈行省令譯史人等比臺院一體出身行臺行院令譯史通事人等九十月考滿元係都省臺院發去及應補之人合降臺院一等 二十三年省判大都留守司兼少府監令史如係省部發去相應人員同部令史出身九十月考滿從七品自行踏逐者降等 二十四年省判中尚監令史



人等若係省部發去人員同太府監令譯史等出身自行踏逐者降等 太史院令史部議如省部發去人員從七品內遷除自行踏逐者降等敘用 部擬行省臺院令史九月考滿若係都省臺院發去腹裏請俸人員行省令史同臺院令史出身行臺行院降一等俱於腹裏選用自行踏逐遞降一等於江南任用 二十九年省判鞏昌等處便宜都總帥府令史人等出身擬與各道宣慰司一體自行踏逐者降等敘用 大德三年

省准上都留守司令史舊以見役部令史發補以籍居懸遠擬於籍記部令史內選發與六部見役令史一體轉陞二品衙門令史轉補不盡者考滿從七品叙用

八年部擬利用監自大德三年八月已前入役者若充各衙門有俸令史及本監奏差典吏轉補則於應得資品內選用由庫子巴哩巴就陞并白身人於雜職內通理定奪自用之人本監委用 皇慶元年制典瑞監人吏俱與七品出身部議太府利用等四監同省發者考

滿與六部一體敘其餘寺監令譯史正八品奏差正九品令典瑞監前典寶監人吏出身同太府等監係奉旨事理省議已除者依舊例定奪 三年省准章慶使司秩正二品見役人吏若同隨朝二品衙門考滿除正七品緣係徽正院所轄司屬量擬考滿除從七品自用者降等如係及考部令史轉充考滿正七品未及考者止除從七品有關須依例補不許自用

凡吏員考滿授正八品 至元十一年省議秘書監從

三品令史擬九十月出為正八品自用者降一等有關  
諸衙門考滿典吏內補填 省議太常寺正三品令史  
以九十月出為從八品有關於應補監令史內取用  
省議少府監正四品准軍器監令史出身是省部發去  
者三考於正八品任用自行踏逐人員考滿降一等  
省議尚牧監正四品省部發去令史擬九十月出為正  
八品自用者降一等有關於諸衙門典吏內選補 部  
擬河南等路宣慰司係外任從二品與隨朝各部正三

品衙門相同准令史以九十月同部令史遷轉開元等  
路宣撫司外任正三品令譯史比前例降一等九十月  
於正八品內遷轉十四年部擬樞密院斷事官令史  
擬以九十月出為從八品有關於諸衙門考滿典吏內  
補用十六年部擬樞密院斷事官今改從三品所設  
人吏若係上司發去人員歷九十月比省斷事官令史  
降等於正八品內遷除自用者降一等遇闕於相應人  
內發遣二十一年部擬廣西海北海南道宣慰司令

史譯史秦差人等與嶺南廣西道等處按察司書吏人等一體二十月理算一考擬六十月同考滿 省准廣東宣慰司其地倚山瀕海極邊煙瘴令史議合優陞依泉州行省令譯史等以二十月理算一考 二十二年省准詹事院府正家令二司給侍宮闈正班三品令史即非各司自用人員俸秩與六部同若遇院掾史有關於兩司令史內遷補擬定資品出身依樞密院所轄各衛令史出身考滿出為正八品 尚醞監令史與六部

令史同議諸監令史考滿正八品內遷用及非省部發  
去者例降一等尚醞監令史亦合一體二十三年省  
准太常寺令史歷九十月正八品內任用有關於呈准  
籍記人內選取雲南省羅羅斯宣慰司兼管軍萬戶  
府首領官令史人等依雲南行省令史例六十月考滿  
首領官受勅例以三十月為一考武備寺正三品令  
譯史等出身擬先司農寺令譯史人等依各監例考滿  
出為正八品武備寺令史亦合依例遷叙尚舍監令

史擬同諸寺監令史考滿授正八品自行用者降一等  
尚舍監亦如之 陝西四川行省順元等路軍民宣慰  
司依雲南令譯史人等六十月為滿遷轉 二十四年  
部擬太史院武備寺光祿寺等令史九十月正八品內  
選用自用者降一等太醫院係宣徽院所轄令史人等  
若係省部發去考滿同諸監令史擬正八品自用者降  
等任用 二十六年省准給事中兼修起居注人吏依  
諸寺監令史出身例考滿一體定奪 侍儀司令史依



給事中兼起居注人吏遷轉 二十七年省准延慶司  
令史九十月依已准家令府正兩司例由省部發者出  
為正八品自用者降等敘 二十八年省准太僕寺擬  
比尚乘等寺令史以九十月出為正八品自用者降一  
等 拱衛直都指揮使司與武備寺同品令史考滿出  
為從八品自用者降一等遷用 蒙古等衛令史即係  
在先考滿令史合於正八品內遷叙各衛令史有闕由  
省部籍記選發者考滿出為正八品樞密院所轄都元

帥府萬戶府各衛府屯田等司官吏俱從本院定奪遷  
調見役令史自用者考滿合從本院定奪 宣政院斷  
事官令史與樞密院及蒙古筆且齊由翰林院發者以  
九十月為從七品通事令史以九十月為正八品奏差  
以九十月為正九品典吏九十月轉本府奏差自用者  
降等 二十九年部擬兩江宣慰司都元帥府令譯史  
人等依雲南兩廣福建人吏六十月為滿兩廣敘用譯  
史除從七品非翰林院選發別無定奪令史省發考滿

正八品奏差省發考滿正九品自用者降等叙 儀鳳  
司令史比同侍儀司令史考滿為正八品自用者降一  
等 哈瑪爾為頭扎哈齊巴勒噶遜達噶齊令史吏  
部議與阿蘇巴圖爾達噶齊筆且齊均考滿正八品  
任用雖筆且齊令史月俸不同各官隨朝近侍一體比  
依例出身相應 三十年省准轉克遜係正三品令譯  
史人等比依各寺監令譯史出身相應 都水監從三  
品令譯史等依寺監令史一體出身考滿正八品叙自

用者降等 濟爾噶呼實保齊巴勒噶遜達魯噶齊本  
處隨朝正三品與扎哈齊巴勒噶遜達魯噶齊令史等  
即係一體擬合依例考滿出為正八品 元貞元年省  
准拉瑪伊克監令譯史人等省部發去者考滿正八品  
內任用自行踏逐者降等 家令司府正司改內宰官  
正其人吏依元定為當 拱衛直都指揮使司陞為正  
三品其令譯史等俸俱與光祿寺相同擬係相應人內  
發補者考滿與正八品奏差正九自用者降等敘 大

德三年部擬鷹坊總管府人吏依隨朝三品考滿正八品內遷用 五年部擬和琳宣慰司都元帥府人吏合與隨朝二品衙門一體及量減月日部議各道宣慰司令史一百二十月正八品敘自用者降等遷用其和琳宣慰司無應取司屬地又酷寒人吏已蒙都省從優以九十月為滿今擬考滿不分自用俱於正八品內遷用八年部言行都水監准設人吏令史八人奏差六人壕寨一十人通事知印各一人譯使一人公使人二十

人、都水監令、譯史、通事、知印、考滿俱於正八品遷用。奏差考滿正九品自用者，降等壕寨出身，并俸給同奏差。行都水監係江南勅立衙門，令史比例合於行省所轄。常調提控案牘內，選取奏差壕寨人等，亦須選相應人。考滿比都水監人吏降等江南遷用典吏。公使人從本監自用。九年，部言尚乘寺援武備寺、大府章佩等監例，求陞加其人吏出身俸給。議得各監人吏皆係奉旨陞加尚乘寺人吏，合依已擬。至大三年，部言和琳係

邊遠酷寒之地兵馬司司吏歷一考餘轉本路總管府  
司吏補不盡者六十月陞都目總管府吏再歷一考轉  
青海宣慰司令史考滿除正八品不係本路司吏轉補  
者降等敘補不盡者六十月部劄提控案牘內任用蒙  
古筆且齊比上例定奪 部議晉王位下斷事官正三  
品除克埒穆爾齊知印例從長官所保蒙古筆且齊翰  
林院發令史以內史府考滿典史并籍記寺監令史發  
補九十月除正八品與職官叅用奏差亦須選相應人

九十月依例遷用自用者考滿本衙門定奪 皇慶元  
年部言衛率府勾當之人令都省與常選出身議得令  
史係軍司勾當之人未有轉受民職定奪合自奏准日  
為格係皇慶元年二月九日以前者同典牧監一體遷  
叙以後者若係籍記寺監令史常選提控案牘補充依  
上銓除自用者不入常調 部議徽政院繕珍司見役  
令史若係籍記寺監令史常調提控案牘院兩考之上  
典吏補充內宰司令史例考滿除正八通事譯史知印



亦依上遷敘自用者降等後有闕須依例發補違例補充別無定奪二年部議徽政院延福司見役令史若係籍記寺監令史常調提控案牘本院兩考之上典史補充者依內宰司令史例考滿除正八品通事譯史知印依上遷敘自用者降等後有闕須依例發補不許自用延祐三年省准徽政院所轄衛候司奉旨陞正三品與拱衛直都指揮使司同品合設令譯史考滿除正八自用者降等衛候司就用前衛候司人吏擬自呈准

月日理算考滿同自用遷叙後有闕以相應人補考滿  
依例敘 徽政院掌飲司人吏部議常選發補令譯史  
考滿從八奏差從九自用者降等後有闕須以相應人  
補違例補充考滿本衙門用 四年省准屯儲總管萬  
戶府司吏譯史出身至大二年尚書省劄和琳路司吏  
未定出身和琳係邊遠酷寒去處兵馬司司吏如歷一  
考之上轉補本路司吏并總管府司吏再歷一考之上  
轉補青海宣慰司令史考滿正八品遷除補不盡人數

從優擬六十月於部劄提控案牘內任用蒙古筆且齊  
比依上例定奪其沙州瓜州立屯儲總管萬戶府衙門  
即係邊遠酷寒地面依和琳路總管府司吏人員一體  
出身

凡吏員考滿授正九品 至元二十年省准宮籍監係  
隨朝從五品令史擬九十月正九品例革人員驗月日  
定奪自行踏逐降一等 二十八年省擬廉訪司所設  
人吏擬選取書吏止依按察司舊例上名者依例貢部

下名轉補察院貢補不盡人數廉訪司月日為始理算  
考滿者正九品叙須令迴避本司分治及元籍路分  
部議察院書吏出身除見役人三十月轉補不盡者九  
十月出為從八品察院書吏有闕止於各道廉訪司書  
吏內選取依上三十月轉部九十月從八品如非廉訪  
司書吏取充者四十五月轉部補不盡者九十月考滿  
降一等出為正九品 三十年省准行臺察院書吏歷  
一考之上者轉江南宣慰司令史并內臺察院書吏於

見役人內用之若有用不盡人數以九十月出為正九品江南有關依內臺察院書吏於各道廉訪司書吏內選取依例轉補大德四年省擬各道廉訪司書吏至元二十八年七月元定出身上名貢部下名轉補察院書吏貢補不盡者廉訪司為始理算月日考滿正九品用今議廉訪司先役書吏歷九十月依已定出身正九品注任回添一資陞轉大德元年三月七日已後充廉訪司人吏九十月考滿須歷提控案牘一任於從九品

內用通事譯史比依上例 察院書吏至元二十八年十一月元定出身於各道廉訪司書吏內選取三十月轉部九十月從八品內用如非廉訪司書吏取充者四十五月轉部補用不盡者九十月考滿降一等正九品用今議先役書吏九十月考滿定出身遷用任回添一資陞轉大德元年三月七日為始初入役者止依舊例轉部 行臺察院書吏至元三十年正月元定出身於廉訪司書吏內選取歷一考之上轉補江南宣慰司令

史并內臺察院書吏用不盡者九月正九品江南用  
省議先役書吏歷俸九月依已定出身任回添一資  
陞轉大德元年三月七日始勅入者止依舊例轉補江  
南宣慰司令史北人貢內臺察院

凡吏員考滿除錢穀官案牘都吏目 至元十三年吏  
禮言各路司吏年四十五以下以次轉補按察司書吏  
補不盡者歷九月於都目內任用六十月以上於吏  
目內任用 省議上都大都路司吏難同其餘路分出

身依按察司書吏選用 十四年省准覆實司司吏俱授吏部劄付如歷九十月擬於中州都目內遷若不滿考及六十月於下州吏目內任用有闕以相應人發充二十一年省准諸色工匠總管府與少府監不同又其餘相體管匠衙門人吏俱未定擬出身量擬比外路總管府司吏考滿於都目內任用 二十二年省准大都等路都轉運使司令史與河間等路都轉運鹽使司書吏出身同外路總管府司吏三名貢舉儒吏二名貢



不盡年四十五之上考滿都目內任用 二十三年省  
准各路司吏轉運司書吏年四十五以上歷俸六十月  
充吏目九十月充都目餘有役過月日不用奏差宜從  
行省斟酌月日量於錢穀官內就便銓用 省准覆實  
司係正五品令史出身比交鈔提舉司司吏出身九十  
月務使六十月都監六十月之下四十五月之上都監  
添一界遷用四十五月之下轉補運司令史 部擬京  
畿漕運司司吏轉補察院書吏不盡四十五以上九十

月依例於都目內任用 二十四年部議各道巡行勸  
農官書吏於各路總管府上名司吏內選取考滿於提  
控案牘內任用奏差從大司農司選委 省准諸司局  
人匠總管府令史於都目內任用 二十五年省准大  
護國仁王寺昭應宮財用規運總管府令譯史人等比  
大都路總管府正三品司吏九十月提控案牘內任用  
部議甘肅寧夏等處巡行勸農司係邊陲遠地人吏  
依甘肅行省并河西隴北道提刑按察司以二十二月

准一考六十五月為滿 省准供膳司司吏比覆實司  
司吏九十月出身於務使內任用 二十六年省准巡  
行勸農司書吏役過路司吏月日三折二准算通理九  
十月於提控案牘內遷叙 尚書省右司郎中管領大  
都等路打捕民匠等戶總管令史比依諸司局人匠總  
管府令史例九十月於都目內任用 省准諸路寶鈔  
都提舉司司吏有關於諸路轉運司漕運司上名司吏  
內選取三十月充吏目四十五月之上六十月之下都

自六十月已上轉提控案牘充寺監令史者聽諸路寶  
鈔提舉司同 奏准大都路都總管府添設司吏一十  
名委差五名司吏六十月於提控案牘內任用委差於  
近上錢穀官內委用有闕以有根脚請俸人補充不及  
考滿不許無故替換 二十七年省准京畿都漕運司  
令史九十月充提控案牘年四十五之上比依都提舉  
萬億庫司吏願充寺監令史者聽 二十九年部擬大  
都路令史四十五以上六十月提控案牘內任用任回

減一資陞轉四十五以下六十月之上選舉貢部每歲  
二名奏差六十月酌中錢穀官內任用 省准京畿都  
漕運司令史比依諸路寶鈔提舉司司吏出身例三十  
月吏目四十五月之上六十月之下都目六十月之上  
提控案牘 三十年省准提舉八作司係正六品司吏  
四十五月之上吏目六十月之上都目 元貞元年省  
准大都等路都轉運司令史九十月提控案牘 大德  
三年省准諸路寶鈔提舉司都提舉萬億四庫司吏九

十月提控案牘內任用如六十月之上自願告敘者於都目內遷除有關於平準行用庫攢典內挨次轉補

省准寶鈔總庫司提舉富寧庫司俱係從五品其司吏九十月都目內任用如六十月之上自願告敘於吏目內遷除有關於在京五品衙門及左右巡院大興宛平二縣及諸州司吏并籍記各部典吏內選省准提舉左右八作司吏九十月都目內任用六十月之上自願告敘於吏目內遷除有關於在都諸倉攢典內選補

京畿都漕運使司令史六十月之上於提控案牘內  
用遇闕於路府諸州并在京五品等衙門上名司吏內  
選大都路司吏改為令史六十月之上年及四十五  
以下貢部不過二名四十五以上六十月提控案牘內  
選用任回減資陞轉大都路都總管府令史依舊六十  
月於提控案牘內遷敘不須減資有關於府州兵馬司  
左右巡院大興宛平二縣上名司吏內選補大德五  
年省准河東宣慰使司軍儲所司吏譯史九十月為滿

譯史由翰林院發補司吏由州縣司吏取充與各路總  
管府譯史司吏一體陞轉自用譯史別無定奪司吏除  
酌中錢穀官委差近下錢穀官 七年部擬濟南萊蕪  
等處鐵冶都提舉司及廣平彰德等處鐵冶都提舉司  
秩四品司吏九十月比散府上州例陞吏目蒙古筆且  
齊擬酌中錢穀官奏差近下錢穀官典吏三考轉本司  
奏差 省准陝西省敘州等處諸部蠻夷宣撫司正三  
品其令譯史考滿比各路司吏人等一體遷用奏差行



省定奪 九年宣慰司大同等處屯儲軍民總管萬戶  
府從三品司吏譯史委差人等九十月為滿司吏除酌  
中錢穀官委差近下錢穀官 大德十年省准諸路吏  
六十月須歷五萬石之上倉官一界陞吏目兩考陞都  
目一考陞中州紫贖或錢穀官通理九十月入流五萬  
石之下倉官一界陞吏目兩考都目一考依上陞轉補  
不盡路吏凡十月陞吏目兩考陞都目依上流轉如非  
州縣司吏轉補者役過月日別無定奪

凡通事譯史考滿遷叙 至元二年部擬雲南行省極  
邊重地令譯史等人員擬二十月為一考歷六十月准  
考滿敘用 九年省准省部臺院所設知印人等所請  
俸給元擬出身俱在勾當官之上既將勾當官陞作從  
八品其各部知印考滿亦合陞正八品據例減知印除  
有前資人員驗前資定奪無前資者各驗實歷月日定  
擬遷叙 二十年各道按察司奏差通事譯史奏差已  
有定例通事九十月考滿擬同譯史一體遷叙 部議

行省行臺行院五品以下官員并首領官亦合比依臺  
院例一考陞一等任用據行省入吏比同臺院入吏出  
身已有定例行院行臺令史譯史通事宣使人等九十  
月滿考元係都省臺院發及應補者擬降臺院一等定  
奪部擬甘肅行省令譯史通事宣使人等量擬以六  
十五月遷叙若係都省發去人員如部議自用者仍舊  
例二十一年部議四川行省入吏比甘肅行省所歷  
月日一體遷除二十三年部擬福建兩廣行省令譯

史通事宣使人等擬歷六十月同考滿止於江南選用  
若行省咨保福建兩廣必用人員於資品上陞一等

二十四年部議行省行臺行院令史九十月考滿若係  
都省臺院發去腹裏相應人員行省令史同臺院令史  
出身行臺行院降臺院一等俱於腹裏選用自用者遞  
降一等止於江南任用 二十七年省議中書省蒙古  
筆且齊俱係正從五品遷除今蒙古字教授擬比儒學  
教授例高一等其必且齊擬高省掾一等內外諸衙門

蒙古譯史一體陞等遷敘 二十八年部擬諸路寶鈔  
都提舉司蒙古筆且齊三十月吏目四十五月都目六  
十月提控案牘役過月日擬於巡檢內敘用奏差九十  
月近上錢穀官六十月酌中錢穀官內任用 翰林院  
寫聖旨筆且齊比依都省蒙古筆且齊內管宣勅者八  
月算十月遷轉正六品部議寫聖旨筆且齊比依管宣  
勅蒙古筆且齊一體亦合八折十推算月日外據出身  
已有定例 崇福司令譯史知印省部發補者考滿出

為正七品自用者降一等宣使省部發去者考滿出為  
正八品自用者降一等 各道廉訪司通事譯史出身  
比依書吏擬合一體考滿正九奏差考滿依通事譯史  
降二等量擬於省劄錢穀官并巡檢內任用 三十年  
省准將作院令譯史人等由省部選發者考滿正七品  
遷敘自用者止從本衙門定奪 大都路蒙古筆且齊  
若係例後入役人員擬六十月於巡檢內遷用任回減  
一資陞轉 大德三年省議各路譯史如係翰林院選

發人員九十月考滿除蒙古人依准所擬外其餘色目  
漢人先歷務使一界陞提控一界於巡檢內遷用 省  
議大都運司通事比依本司令史滿考者於巡檢內任  
用 四年省准雲南諸路廉訪司寸白通事譯史出身  
比依書吏出身九十月為滿歷巡檢一任轉陞從九品  
雲南地面遷用 七年宣慰司奏差除應例補者一百  
二十月考滿依例自行保舉者降等任回添資定奪任  
用 廉訪司通事譯史大德元年三月七日已後勅入

補者九十月歷巡檢一任轉從九如書吏役九十月充  
巡檢者聽如違不准 各路譯史如係各道提舉學校  
官選發腹裏各路譯史九十月考滿先歷務使一界陞  
提領再歷一界充巡檢三考從九違者雖歷月日不准  
會同館蒙古筆且齊九十月務提領內遷用 十年  
省准中政院寫懿旨筆且齊依寫聖旨筆且齊一體出  
身 八番順元海北海南宣慰司都元帥府極邊重地  
令譯史人等考滿依兩廣福建例於江南遷用



凡官員致仕 至元二十八年省議諸職官年及七十  
精力衰耗例應致仕今到選官員多有年已七十或七  
十之上者合令依例致仕 大德七年省臣言內外官  
員年至七十者三品以下於應授品級加散官一等令  
致仕 十年省臣言官員年老不堪仕宦者於應得資  
品加散官遂授職事令致仕 皇慶二年省臣言蒙古  
色目官員所授散官卑於職事擬三品以下官員職事  
散官加陞一等令致仕

凡封贈之制至元初唯一二勲舊之家以特恩見褒雖略有成法未悉行之至元二十年制考課雖以五事責辦管民官為無激勸之方徒示虛文竟無實効自今每歲終考課管民官五事備具內外諸司官職任內各有成効者為中考第一考對官品加妻封號第二考令子弟承廕敘仕第三考封贈祖父母父母品格不及封贈者量遷官品其有政績殊異者不次陞擢仰中書參酌舊制出給誥命至大二年詔流官五品以上父母正

妻七品以上正妻令尚書省議行封贈之制禮部集吏部翰林國史院集賢院太常等官議封贈謚號等第制以封贈非世祖所行其令罷之至治三年省臣言封贈之制本以激勸將來比因泛請者衆遂中輟詔從新設法議擬與行母致冗濫禮部從新分立等第正從一品封贈三代爵國公勲正上柱國從柱國母妻並國夫人正從二品封贈二代爵郡公勲正上護軍從護軍母妻並郡夫人正從三品封贈二代爵郡侯勲正

上輕車都尉從輕車都尉母妻並郡夫人 正從四品

封贈父母爵郡伯勲正上騎都尉從騎都尉母妻並郡

君 正五品封贈父母爵縣子勲驍騎尉母妻並縣君

從五品封贈父母爵縣男勲飛騎尉母妻並縣君

正從六品封贈父母父止用散官母妻並恭人 正從

一品至五品宣授六品至七品敕牒如應封贈三代者

曾祖父母一道祖父母一道父母一道生者各號給降

封贈者一品至五品並用散官勲爵六品七品止用

散官職事從一高 封贈曾祖降祖一等祖降父一等  
父母妻並與夫子同父母在仕者不封已致仕并不在  
仕者封之雖在仕棄職就封者聽 父母應封而讓曾  
祖父母祖父母者聽 諸子應封父母嫡母在所生之  
母不得封嫡母亡得並封若所生母未封贈者不得先  
封其妻 諸職官曾受賊不許申請封贈之後但犯取  
受之賊並行追奪其父祖元有官進一階不在追奪之  
例 父祖元有官者隨其所帶文武官上封贈若已是

封贈之官止於本等官上許進一階階滿者更不在封

贈之限

如子官至四品其父祖已帶四品上階之類

或兩子當封者從一高

文武不同者從所請婦人因其子封贈而夫子兩有官

者從一高 封贈曾祖母祖母并母生封並加太字若

已亡歿或曾祖祖父父在者不加太字 職官居喪應

封贈曾祖父母祖父母者聽其應受封之人居曾祖父

母祖父母父母舅姑夫喪者服闋申請 應封贈者有

使遠死節有臨陳死事者驗事特議加封 應封妻者

止封正妻一人如正妻已歿繼室亦止封一人餘不在  
封贈之例婦人因夫子得封者不許再嫁如不遵守將  
所受宣敕追奪斷罪離異 父母曾任三品以上官亡  
歿生前有勲勞為上知遇者子孫雖不仕具實跡赴所  
在官司保結申請驗事跡可否量擬封贈無後者許有  
司保結申請 曾祖父母祖父父母曾犯十惡奸盜  
除名等罪及例所封妻不是以禮娶到正室或係再醮  
倡優婢妾並不許申請 凡告請封贈者隨朝并京官

行省行臺宣慰司廉訪司見任官各於任所申請其餘  
官員見任并已除未任至得替日隨其解由申請致仕  
官於所在官司申請 正從七品至正從六品止封一  
次陞至正從五品封贈一次陞至正從四品封贈一次  
陞至正從三品封贈一次陞至正從二品封贈一次陞  
至正從一品封贈一次 凡封贈流官父祖曾贈三品  
以上者許請謚如立朝有大節功勲在王室者許加功  
臣之號 至治三年詔封贈之典本以激勸忠孝今後



散官職事勲爵依例加授外任官員並許在任申請其餘合行事理仰各依舊制 泰定元年詔犯贓官員不得封贈沉鬱既久宜許自新有能滌慮改過再歷兩任無過者許所管上司正官從公保明監察御史廉訪司覆察是實並聽依例申請

元史卷八十四

元史卷八十四考證

選舉志四兩廣海北海南道於此發去八十月滿 按  
海南原刻訛譚南今據百官志改

選舉志四部議如係六部選發考滿除正七品自用者  
木衙門叙 按此數語即上將作院今史考例原刻  
另作一條今據文義改并一項

選舉志四至元二十年部呈行省今譯史人等比臺院  
一體出身 按二十年原刻作三十年以前後紀年

排次自係二十年之訛今據永樂大典改

選舉志四具有政績殊異者不次陞擢按不次原刻

訛不須今據通考改

選舉志四至治三年省臣言封贈之制按此條為下

文封贈綱領自應另起原刻接連上書今據文義改

選舉志四正從六品母妻並恭人按恭人原刻作宜

人今據元典章及通考改